

Headline	Hibah TH diumumkan dalam masa terdekat		
MediaTitle	Sinar Harian		
Date	12 Mar 2019	Color	Full Color
Section	Nasional	Circulation	160,000
Page No	8	Readership	509,000
Language	Malay	ArticleSize	150 cm <sup>2</sup>
Journalist	N/A	AdValue	RM 2,559
Frequency	Daily	PR Value	RM 7,676



## Hibah TH diumumkan dalam masa terdekat

KUALA LUMPUR - Bayaran hibah bagi tahun 2018 kepada pendeposit Tabung Haji (TH) akan diumumkan dalam masa terdekat.

Menteri di Jabatan Perdana Menteri, Datuk Seri Dr Mujahid Yusof berkata, pengumuman tersebut akan dibuat TH seperti mana kelaziman.

"Pengumuman hibah... ia akan diumumkan oleh TH sedikit masa sahaja lagi," katanya ringkas kepada media selepas selesai menghadiri pembukaan Mesyuarat Pertama Penggal Kedua Parlimen ke-14 di Dewan Rakyat yang dirasmikan Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah, semalam.

Sebelum ini, TH mula melaksanakan pelan menyeluruh bagi memulihkan penyata kira-kira yang mencatatkan defisit lebih RM4.1 bilion pada 2017 dan diletakkan di bawah kawal selia Bank Negara Malaysia bermula Januari lepas bagi menambah baik tadbir urus organisasi berkenaan.

Mujahid sebelum ini



**MUJAHID**

berkata, sejak 2014, TH sebenarnya telah gagal menuhi dua syarat yang membolehkan pembayaran hibah dilakukan.

Dua syarat itu adalah aset tidak boleh kurang daripada liabiliti dan perlu ada keuntungan yang boleh diagihkan.

Sebelum ini juga, kerajaan memutuskan untuk mengekalkan subsidi jemaah haji Muassasah yang menunaikan haji kali pertama bagi musim ini meskipun berdepan cabaran kewangan.

Sehubungan itu, katanya, bayaran bagi mengerjakan haji kali pertama bagi golongan jemaah itu masih kekal RM9,980 seorang.